

**Uunga siunnersuut: Avatangiisinut Aningaasaateqarfik pillugu Inatsisartut inatsisaat  
nr. xx, xx. xxx 2018-imeersoq**  
(*Pinnngortitamut, Avatangiisinut Ilisimatusarnermullu Naalakkersuisumit saqqummiunneqarpoq*)

**Pillugu**

**Eqqissisimatitsinermut Avatangiisinullu ataatsimiititaliap**

**Siunnersuutip aappasaanneerpeqarnerani**

**ISUMALIUTISSIISUTAA**

Siunnersuummik suliaqarnermi ataatsimiititaliaq ukuninnga inuttaqarpoq:

Inatsisartunut ilaasortaq Jens Danielsen, Siumut, siulittaasoq  
Inatsisartunut ilaasortaq Stine Egede, Inuit Ataqatigiit, Siulittaasup tullia  
Inatsisartunut ilaasortaq Karl-Kristian Kruse, Siumut sinniisussa  
Inatsisartunut ilaasortaq Mikivsuk Thomassen, Inuit Ataqatigiit  
Inatsisartunut ilaasortaq Nivi Olsen, Demokraatit

UKA2018-mi Ulloq oktobarip 9-ani 2018 inatsisartunit suliarineqareernerani siunnersuut ataatsimiititaliamit misissorneqarpoq.

**1. Siunnersuutip imarisaa siunertaalu**

Siunnersuutip tunngaviatigut siunertaraa avatangiisinut akitsuutit avatangiisumut aningaasaateqarfimmut isertitat suliniutinut aalajangersimasunut immikkoortinneqarnissaat. Siunertarineqartup aappaa tassaavoq, tunngaviatigut mingutsitsisup akiliisinneqartarnissaa taamaaliornikkut innuttaasut avatangiisip mianerineqarnissaanut kaammattorneqassallutik. Avatangiisuinut aningaasaateqarfik pillugu siunnersuummi matumani siunertaarineqarpoq suliffeqarfiit kiisalu innuttaasut ataasiakkaat pissusilersuutaasa allanngortinniarniqarnissaat Piffissaq ungasinnerusoq eqqarsaatigalugu avatangiisinut aningaasaateqarfimmi aningaasat

maanna pioreersut assersuutigalugu ikuallaaviit, atserissutit, pigisat illikartinneqarsimasut nakkutigineqarnissaannik pilersitsineq, qamutit motoorillit atorunnaarsimasut suliarineqartarnerinut, suliffeqarfiit, paaqqinnittarfiit inissiallu eqqaanni imaluunniit nunaannarmi aqqagassanut, umiarsuarnut angallatinut qimaannakkanut, ningittakkanut qimaannakkanut kiisalu aalisarfinnik piniariarfinnillu saligaatsitsinermut atorneqarnissaat siunertarineqarluni.

## 2. Siunnersuutip inatsisartunit siullermeerneqarnera

Siunnersuutip siullermeerneqarnerani avatangiisinut pitsanngorsaaniisaaq avatangiisimut iluaqutaassasoq partiit amerlanersaasa tunngaviatigut isumaqatigaat. Siunnersuut isummerfigineqartinnagu pissutsit arlallit misissorneqarnissaat partiit oqaatigaat. Inersuarmili oqallinnerup naajartulernerani partiit kissaatigaat apeqqutit partiinit apeqqutigineqartut Naalakkersuisumit ataatsimiititaliamut attuumassuteqartumut nassiunneqarnissaat taamaaliornikkut ajornartorsiutit partiinit paasiumaneqartut qulaajaaffigineqarniassammata. Siunnersuutip siullermeerlugu suliarineqarnerani apeqqutigineqartunut akissuteqaatit allakkatigut nassiunneqarnissaat Naalakkersuisup neriorsuutigaa.

Siunnersuutip siullermeerneqarnerani apeqqutit saqqummiunneqartut pillugit akissuteqaatit ulloq 15. oktober 2018 Pinngortitamut, Avatangiisinut Ilisimatusarnermullu Naalakkersuisumit nassiunneqarput, taannalu **ilanngussaq 1-tut** Isumaliutissiisummut matumunnga ilanngunneqarpoq.

Avatangiisinut akitsuutit pillugit inatsisartut inatsisissaattut siunnersuut ataatsimiinnermi matumani kingusinnerusukkut saqqummiunneqassasoq apeqqutitut akissuteqarnermini Naalakkersuisup neriorsuutigaa. Avatangiisinut akitsuutit pillugit siunnersuut Aningaasaqarnermut Naalakkersuisumit saqqummiunneqartussaammat Avatangiisinut naalakkersuisoq avatangiisinut akitsuutit pillugit siunnersuummut sukumiinerusumik oqaaseqarsinnaanngilaq.

Partiit apeqquteqaataannut akissutit makku tunniunneqarsimapput:

### Siunut:

Apeqqut: *"Akitsuusiiniaannarluni akitsuusiisoqannginnissaa Siumumi ersarissumik kissaatigaarput. Taamaattumik aamma inuit sukkut toqqaannartumik eqqorneqarnissaasa paasinissaa soqutigisaraarput, neriuppugullu siunnersuut suliarineqarnermini Ataatsimiititaliami ingerlateqqinneqalerpat tamanna ersarissarneqarumaartoq."*



Akissut: Siunnersuut manna Avatangiisinut Aningaasaateqarfimmik pilersitsinissamut tunngasuvoq, taannalu imminermini avatangiisinut akitsuutinik nutaanik pilersitsiviussanngilaq. Avatangiisinut akitsuutit pillugit Inatsisartut inatsisissaannut siunnersuuteqartoqassappat, taakku pisuni ataasiakkaani Inatsisartunut saqqummiunneqartussaapput. Avatangiisinut akitsuutit nutaat aningaasaqarnermut, allaffissornermut avatangiisinullu kingunerisassaasat siunnersuutinik aalajangersimasuni allaaserineqartassapput.

Akitsuusiiniaannarluni akitsuusiisoqassanngitsoq Naalakkersuisut isumaqataapput. Nunatsinni innuttaasut inuunerminni pitsaasunik atugaqarnissaannik sapinngisatsinnik qulakkeerisarnissarput pingaaruteqarpoq. Ilaqutariippasuit aningaasaqarnerminnik naammattusaarisarneq ajornakusoortittaraat Naalakkersuisunit eqqumaffigineqarpoq. Taamaattumik ilaqutariit taakku allat mingutsitsinerannut akileeqataasarnissaat pissusissamisuunngilaq. Tassalu ilaatigut mingutsitsisup akiliisarnissaa, ilaatigullu avatangiisinut sunniutaanerluttartunik annikillisaanissamut kajumissaarinissaq qulakkeerniarlugu avatangiisinut akitsuutit atuutsinneqalissapput.

Apeqqu: *”Pisariaqanngitsumik annertuunik killiliiffiunngitsumik aningaasaateqarfiup aningaasaataanik atuisinnaanerup ajornannginnerulernissaanik sulissuteqaqqullugit Naalakkersuisut kajumissaarniarpagut.”*

Akissut: Pisariaqanngitsumik killiliiffiunngitsumik aningaasaateqarfiup aningaasaataanik atuisinnaanerup ajornannginnerulernissaanik suliniuteqarnissap pingaaruteqarneranut Naalakkersuisut isumaqataapput. Taamaattumik siunnersuummi § 2-mi suliaasaqarfiit pitsannguiffiginiarlugit aningaasaateqarfiup aningaasaataanik atuiffiusinnaasut arlallit pineqarput.

Apeqqu: *”Kiisalu Kalaallit Nunaat issittumiimmat, nunat allat aningaasaateqarfimmut qanoq iliorlutik tapersiisinnaanersut Naalakkersuisunit misissorneqassasoq Naalakkersuisunut kaammattuutiginiarparput.”*

Akissut: Tamanna Naalakkersuisunit allanneqarpoq.

### **Inuit Ataqtigiit aamma Suleqatigiissitsisut**

Apeqqu: *”Siunnerfigineqartut avatangiisinut akitsuutit missingersuusiorneqanngitsut Inuit Ataqtigiinniit taperserneqanngisaannassapput.”*

Akissut: Uunga siunnersuut: Avatangiisinut Aningaasaateqarfik pillugu Inatsisartut inatsisaat nr. xx, xxx 2018 Avatangiisinut Aningaasaateqarfiup pilersinneqarnissaanut tunngasuvoq. Siunnersuummi aningaasat sumut atorneqarsinnaassanersut – kiisalu avatangiisinut akitsuutit avatangiisinilu pitsannguutissat akornanni ataqatigiinnerup ersarissuunissaa pineqarpoq.

Avatangiisinut akitsuutit nutaajusinnaasut avatangiisinut akitsuutit pillugit Inatsisartut inatsisissaattut siunnersuutini immikkoortuni akuersissutigineqarsinnaassapput. Avatangiisinut akitsuutinik nutaanik atuutsitsisoqalissappat taakku aningaasaqarnermut, allaffissornermut avatangiisinullu kingunerisassa atorneqarsinnaasut siunnersuutini aalajangersimasuni allaaserineqartassapput.

Apeqquut: *”Neriuppugut aningaasat allaffissornerujussuarmut nungunneqaannaratik siunertamut atorneqartassasut.”*

Akissut: Avatangiisinut Aningaasaateqarfimmu aningaasaliissutit allaffissornerup annertusineranut atorneqannginnissaannut Naalakkersuisut isumaqataapput. Taamaattumik Avatangiisinut Aningaasaateqarfik naatsorsuuserinermi teknikkiniq atuiffiusumik aningaasaateqarfittut pilersinneqassaaq. Tamatuma kingunerisaanik Avatangiisinut Aningaasaateqarfik aningaasaateqarfiussanngilaq nalinginnaasoq, namminerisaminik aqutsisulik, Naalakkersuisunut attuumassuteqanngitsoq, kisiannili allaffissornermut pioreersumut ilaasussaassaaq.

### **Demokraatit**

Apeqquut: *”Avatangiisinut Aningaasaateqarfik pillugu siunnersuutip matuma kingunerisaanik akileraartarnikkut akitsuusiisarnikkullu suliaasaqarfiit tamarmiusut qaffaaviussanngitsut uatsinnut pingaaruteqarpoq.”*

Akissut: Ullumikkut eqqakkat qimaannakkat isumagineqarneri qulakkeerniarlugit akileraartartut akiliutaannik atuisoqartarpoq – mingutsitsisup akiliisarnissaanut taarsiullugu. Avatangiisinut akitsuutinik atuutsitsilernerme inuiaqatigiit tamarmiusut akiliisinneqaratik mingutsitsisup akiliisarnissaa anguneqarsinnaanerulissaaq.

Erseqqissaatigineqassaaq, siunnersuut manna taamaallaat Avatangiisinut Aningaasaateqarfimmik pilersitsinissaaq pineqarmat, taamaattumillu siunnersuut akileraartarnermut akitsuusiisarnermullu tamarmiusumut allannguiffiusussaannngimmat. Siunissami avatangiisinut akitsuutit Avatangiisinut Aningaasaateqarfimmu tutsinneqartalnissaat pillugu Inatsisartut inatsisissaattut siunnersuutaasartussani nutaani, siunnersuutit akileraartarnermut akitsuusiisarnermullu tamarmiusumut sunniutissaat



Inatsisartunit isummerfigineqartassapput. Avatangiisinut akitsuutinik nutaanik atuutsitsisoqalissappat, tamatumani mingutsitsisup akiliisarnissaata qulakkeerneqarnissaa siunertarineqarpoq.

Apeqqu: ”1. Siunnersuutip matuma kingunerisaanik akileraartarnerup akitsuusiisarnerullu tamarmiusup qaffanginnissaa Naalakkersuisut qanoq iliorlutik qulakkeerniarpaat?”

Akissut: Siunnersuut manna Avatangiisinut Aningaasaateqarfiup pilersinneqarnissaanut tunngasuvoq. Avatangiisinut akitsuutit pillugit Inatsisartut inatsisissaat Inatsisartunut saqqummiunneqartassapput. Aningaasaqarnermut, allaffissornermut avatangiisinullu kingunerisassat taakkunani allaaserineqartassapput.

Apeqqu: ”2. Siunnersuummut nassuiaatini nukissiornermut akitsuutit tallimat, tunngaviusumik siunissami Avatangiisinut Aningaasaateqarfimmut tutsinneqartartussatut naatsorsuutigineqartut Naalakkersuisut oqaatigaat. Akitsuutit taakku ullumikkut aningaasanik qanoq amerlatigisunik pissarsiviusarpat, aammalu aningaasat qanoq amerlatigisut ullumikkut suliniutinut avatangiisinik pitsanngorsaaviusunut atorineqartarpat?”

Akissut: Ukiuni kingullerni Aningaasanut inatsimmi konto pingarneq 77.05.18 aqqutigalugu kommunit avatangiisinut atortunik pilersitsinerannut tapiissutitut aningaasaliisoqartarpoq. Aningaasaliisarnermi kommunit aamma Namminersorlutik Oqartussat ataatsimoorlutik avatangiisinut suliassaqarfimmi aaqqiissutissanik pitsaasunik ineriartortitsinissaannut aningaasanik immikkoortitsisarnissaq siunnerfigineqarpoq. 2018-imut aningaasaliissutit 14,3 mio. koruuniupput. Taakku Aningaasanut inatsimmi kontop pingarnerup 24.11.23-p ataani nukissiornermi tunisassianut avatangiisinut akitsuutinit pioreersunit isertitat amerlaqatigipajaarpat. Taamaattumik uunga siunnersuut: Avatangiisinut Aningaasaateqarfik pillugu Inatsisartut inatsisissaat nr. xx. xxx 2018-imeersoq imminermini missingersuutitigut sunniuteqassanngilaq, nukissiornermi tunisassianut avatangiisinut akitsuutinit isertitat siunissami Avatangiisinut Aningaasaateqarfimmut tutsinneqartarnissaat siunnersuutigineqarmat.

Apeqqu: ”3. Nukissiornermut akitsuutinit aningaasat pissarsiarineqartartut ullumikkut suliniutinut avatangiisinut pitsanngorsaataasussanit allaanerusunut atorineqartarpat, akitsuutit Avatangiisinut Aningaasaateqarfimmut tutsinneqartalernerisa kingunerisaanik aningaasat Aningaasanut Inatsimmi amigaataalinnginnissaat anguniarlugu aningaasalersuisoqarnissaa eqqarsaatigineqarpat?”

Akissut: Matuma siuliani apeqqu 2-mut akissut innersuussutigineqarpoq.

Apeqquut: "4. Siunnersuutip atugarissaarnermik ajornerulersitsisussap kingunerisaanik Nunap Karsiata isertitassaatur amigaataalersussatur ilimagineqartut Naalakkersuisut aningaasalersorniarpaat? Tamanna pissappat suliassaqarfii suut sipaarniarfiussanersut Naalakkersuisut tikkuusseqqullugit qinnuigineqarput."

Akissut: Avatangiisinut Aningaasaateqarfiup pilersinneqarnerata kingunerisaanik Nunap Karsia isertitassanik amigaateqalissanngilaq. Matuma siuliani apeqquut 2-mut akissut innersuussutigineqarpoq.

Avatangiisinut Aningaasaateqarfik atugarissaarnerup ajornerulerneranik kinguneqassanngilaq. Avatangiisinut Aningaasaateqarfiup pilersinneqarnerani atugarissaarnermik annertunerulersitsinissamik siunertarineqarpoq. Nunatsinni innuttaasut avatangiisini minguitsuni peqqinnartunilu angalasinnaassapput. Taamaattumik Aningaasaateqarfimmut aningaasaliissutit innuttaasut atugarissaarnerannut iluaqutaasumik avatangiisinik pitsanngorsaanissamut immikkoortinneqassapput.

Assersuutigalugu ullumikkut ikuallaaviit dioxin-imik, killissarititaasut EU-mit akuerisaasut sinnerujussuarlugit annertussusilimmik aniatitsipput. Dioxin naartuunut ajoqusiisarpoq kræfteqalersitsisarunilu. Tassalu innuttaasut atugarissaarnissaat, aammalu avatangiisinik mingutsitsineq, assersuutigalugu eqqagassalerineq naammaginanngitsoq eqqarsaatigalugu, ullumikkut peqqissutsinut sunniuteqarnerluttartutut, tamatumalu kingunerisaanik aningaasartuuteqarfiusartutut ilimagineqartoq annikillisinniarlugu avatangiisinik suliassaqarfiup pisariaqartumik kivitsivigineqarnissaa pisariaqartinneqarpoq.

### **Partii Naleraq**

Apeqquut: "Aamma Partii Naleraq isumaqarpoq, gassinik assigiinngitsunik aamaruutissanillu assigiinngitsunik paaanermut akitsuusiinikkut isertitat aningaasaateqarfimmut iluaqutaasinnaasut."

Akissut: Aatsitassaarnermut suliassaqarfik siunnersuummut ilaatinneqanngilaq, tamanna Aatsitassalerinermut Inatsimmi immikkut maleruagassiuunneqarmat. Aatsitassalerinermut inatsimmi aatsitassarsiorfiit salinissamut aningaasanik qularnaveeqquusiinissaat il.il. piumasarineqareerpoq.

Apeqquut: "Akitsuutinut akit inatsisissatut siunnersuummi aalajangersarneqarsimanninnerat eqqarsarnartoqartitatta ilagaat."



Akissut: Siunnersuut manna Avatangiisinut Aningaasaateqarfiup pilersinneqarnissaanut tunngasuuvoq. Avatangiisinut akitsuutit pillugit Inatsisartut inatsisissaat Inatsisartunut saqqummiunneqartartussaapput. Avatangiisinut akitsuutinik nutaanik atuutsitsisoqalissappat, akitsuutinit akit aamma aningaasaqarnermut, allaffissornermut avatangiisinullu kingunerisassat siunnersuutini ataasiakkaani allaaserineqartassapput.

### 3. Tusarniaanermi akissuteqaatit

Ulloq 21. november 2017 tungaanut siunnersuut tusarniutigineqarpoq, siunnersuummulli missingiutip allanngortinneqarnera tunngavigalugu tusarniaarneq 29. december 2017-mut sivitsorneqarpoq.

Tusarniaanermi akissuteqaatit tunniunneqarsimasut inatsisissatut siunnersuummut ilanngussatut kakkiunneqarput, tamannalu Inatsisartut siulittaasoqarfiani piumasaqaatinut naapertuuppoq.

Eqqarsaatersuutigineqartut amerlanersaat tusarneqarsimasut siunnersuummullu ilanngunneqarsimasut ataatsimiititaliamit isornartutut isigineqanngillat, naatsumik taamatut oqaaseqarfigineqarput.

### 4. Apeqqutit

Siunnersuutip suliarineqarneranut atatillugu Pinngortitamut, Avatangiisimut, Ilisimatusarnermullu Naalakkersuisoq apeqqutit arlalit akissuteqarfigeqqullugit ataatsimiititaliamit qinnuigineqarpoq. Ataatsimiititaliap apeqquteqaatai kiisalu Naalakkersuisup akissuteqaataa Isumaliutissiisummut matumunnga **ilanngussaq 2-tut** ilanngunneqarpoq.

### 5. Ataatsimiititaliap siunnersuummik suliaqarnera

Suliniutit avatangiisinut pitsanngorsaataasinnaasut ataatsimiititaliamit tunngaviatigut tapersorneqarput. Ukiuni aggersuni suliniuteqaqqittoqarnissaanik pisariaqartitsisoqarneranik Naalakkersuisut siunnersuutaat ataatsimiititaliamit isumaqatigiittumit taperserneqarpoq. Siunnersuutip matuma saqqummiunneqarneratigut avatangiisinut akitsuutinik nutaanik pilersitsisoqarnissaa ataatsimiititaliamit isumaqatigineqanngilaq. Inuiaqatigiit akitsuutinik nutaanik artukkerneqaqqissanngitsut kisiannili aningaasaliinissamut periarfissanik allanik ujaasoqartariaqartoq ataatsimiititaliaq isumaqarpoq.

Qulaani pineqartut tunngavigalugit nunarsuaq tamakkerlugu pinngortitamut aningaasaateqarfimmut aamma aatsitassarsiorniarlutik akuerineqarsimasunut Avatangiisinut aningaasaateqarfimmut aningaasaleeqataasinnaanerat Naalakkersuisunit misissorneqassasoq ataatsimiititaliamit kaammattuutigineqarpoq.

## 6. Siunnersuutip aningaasatigut kingunerisassai

Siunnersuutip piviusunngortinneqarnerani siunnersuutip aningaaqarnikkut kingunerisassai siunnersuummut nalinginnaasumik oqaaseqaatini allaaserineqarsimapput. Tassani nalunaarutigineqarpoq siunnersuut aningaasatigut, allaffissornikkut, pisortanullu aningaasartuutaassanngitsoq.

Siunnersuut nutaanik avatangiisinut akitsuutinik kinguneqassanngitsoq ataatsimiititaliamit maluginiarneqarpoq, Pinngortitamut Avatangiisinut Ilisimatusarnermullu Naalakkersuqarfiup aningaasartuutissaasa iluini avatangiisinut aningaasaateqarfiup ingerlanneqarnissaa ingerlanneqartussaammat.

Siunnersuutip matuma aningaasatigut kingunerisassai pillugit ataatsimiititaliaq Naalakkersuisunut annertunerusumik paasisaqarumasimavoq, takukkit apeqqut 1-mut akissuteqaat 4-mut ilanngunneqarsimasut, **ilanngussaq 2-mi** allassimasut.

*Avatangiisinut aningaasaateqarfiup pilersinneqarnerani aningaasatigut kinguneritinneqartussanut avatangiisinut akileraarutit pillugit inatsisissat qanoq ilusilersorneqarnissaat apeqquutaassaaq.*

Siunnersuutip atuutilersinneqarnerani aningaasatigut kinguneqassanngitsoq siunnersuummut oqaaseqaatini nalinginnaasuni allassimavoq. tamanna tunngavigalugu ataatsimiititaliaq allatut naliliinissamut tunngavissaqanngilaq. Naalakkersuisut apeqqut tamanna misissoqqissaarsimassagaat kiisalu aningaasaqarnikkut kinguneqaratarsinnaanera periarfissaqanngitsoq ataatsimiititaliamit taamaalillugu tatigineqarpoq. Paarlattuanik siunnersuut pisortat karsiani aningaasartuutaanerulissappat, aningaasartuutissat taakku aningaasaliissutinik akuerineqareersimasunik ingerlanneqassasut naatsorsuutigineqarpoq, tamatumanilu suliniutinik allanik kinguartitsisoqaratarsinnaalluni.



**7. ataatsimiititaliap inassuteqaatai:**

Ataatsimiititaliap isumaqatigiittup matumuuna siunnersuut akuerisassangortippaa.

Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaanniigassangortippaa.



Stine Egede

---



Jens Danielsen,

---

Siulittaasq



Karl-Kristian Kruse,  
sinniisussaq

---



Mikivuk Thomassen

---



Nivi Olsen

---



# BILAG 1

Uunga: Eqqissimatitsinermut Avatangiisinullu Ataatsimiititaliaq

Assilinera uunga: Aningaasaqarnermut Akileraartarnermullu  
Ataatsimiititaliaq

Pineqartoq: UKA2018/186

Eqqissimatitsinermut Avatangiisinullu Ataatsimiititaliamut

Brevdato: 11-10-2018  
Sagsnr.: 2018 - 20794  
Akt-id: 8936377

Una pillugu siunnersuutip 9. oktober 2018-imi siullermeerneqarnerani oqallilluartoqarneranut qujanaq: Avatangiisinut Aningaasaateqarfik pillugu Inatsisartut inatsisaat nr. xx. xxx 2018-imeersoq.

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: pan@nanoq.gl  
www.naalakkersuisut.gl

Siullermeerinermi apeqqutinik saqqummiussisoqarpoq, matumuunalu allakkiami ilanngunneqartumi taakku allakkatigut akissuteqarfigissavakka. Siullermik aallarniutit uunga siunnersuummut ataatsimoortumik nassuiaateqassaanga: Avatangiisinut Aningaasaateqarfik pillugu Inatsisartut inatsisaat nr. xx. xxx 2018-imeersoq. Tamatuma kingorna apeqqutit aalajangersimasut, siullermeerinermi saqqummiunneqartut akissuteqarfigissavakka.

Erseqqissassallugu uannut pingaaruteqarpoq, avatangiisinut akitsuutinik nutaanik atuutsitsisoqalissappat, taakku avatangiisinut akitsuutit pillugit Inatsisartut inatsisaanni immikkoortuni aalajangiiffiqineqartussaammata. Taamaattumik avatangiisinut akitsuutit nutaajusimasinnaasut uunga siunnersuummi allassimassanngillat: Avatangiisinut Aningaasaateqarfik pillugu Inatsisartut inatsisaat nr. xx. xxx 2018-imeersoq.

Avatangiisinut akitsuutit pillugit Inatsisartut inatsisissaattut siunnersuutaasartussat Aningaasaqarnermut Naalakkersuisumit Inatsisartunut saqqummiunneqartartussaapput. Siunnersuutit taakku avatangiisinut akitsuutit pillugit sukumiisunik paasissutissartaqartassapput, Inatsisartut taamaalillutik paasissutissiiviusunik tunngaveqarlutik avatangiisinut akitsuutit pineqartut pillugit aalajangiinnaassallutik, taakkunungalutik taakkunangaanniit iluanaarutinit qanoq annertutigisut Avatangiisinut Aningaasaateqarfimmut, taamatullu Nunap Karsianut nalinginnaasumik suliassaqarfiit akimorlugit tulleriiaarinermut ilaasussanngorlugit immikkoortinneqartassanersut ilaatinneqarpoq.

Uunga siunnersuummi: Avatangiisinut Aningaasaateqarfik pillugu Inatsisartut inatsisaat nr. xx. xxx 2018-imeersoq avatangiisinut aningaasaateqarfimmut aningaasaliissutit sunut atorneqartassanersut pineqarpoq. Taamatutaaq siunnersuut avatangiisinut akitsuutit Aningaasaateqarfik aqqusaarlugu avatangiisinut pitsanngorsaaranermut immikkoortinneqartarnissaat pineqarpoq. Kiisalu Avatangiisinut Aningaasaateqarfiup pilersinneqarnerani mingutsitsisup annertunerusumik akiliisarnissaa, taamaalillunilu innuttaasut akileraartartut nalinginnaasut artukkinngikkaluarlugit avatangiisinut eqqortumik iliuuseqartarnissamut



kajumissaarinnissap qulakkeerneqarnissaa tunngaviusumik isumaavoq.  
Ataatsimiititaliaq uunga siunnersuut: Avatangiisinut Aningaasaateqarfik  
pillugu Inatsisartut inatsisaat nr. xx. xxx 2018-imeersoq pillugu  
oqallittoqarnissaa kissaatigippagu piareersimavunga.

Inussiarnersumik inuulluaqqusillunga

Siverth K. Heilmann  
Pinngortitamut, Avatangiisinut Ilisimatusarnermullu Naalakkersuisoq

**Uunga siunnersuut: Avatangiisinut Aningaasaateqarfik pillugu Inatsisartut inatsisaat nr. xx. xxx 2018-imeersoq pillugu ataatsimoortumik nassuiaatit**


Siunnersuummi siunertaasoq: Avatangiisinut Aningaasaateqarfiup pilersinneqarnissaa

Uunga siunnersuummi: Avatangiisinut Aningaasaateqarfik pillugu Inatsisartut inatsisaat nr. xx. xxx 2018-imeersoq siunertaavoq, ukiuni tulliuuttuni avatangiisinut suliaasaqarfimmi annertuumik siuarsaasinnaanissamut sinaakkutissanik pilersitsinissaq. Tamanna avatangiisinut aningaasaateqarfimmik, avatangiisinut akitsuutissanit isertitanik tigooqqaasussamik aqutsisussamillu pilersitsinikkut pissaaq. Avatangiisinut akitsuutiniit isertitat suliniutinut suliaasanullu avatangiisinut pitsanngorsaataasussanut atorineqarnissaat siunnersuummi qulakkeerniarneqarpoq. Siunnersuummi Avatangiisinut Aningaasaateqarfiup sulineranut sinaakkusiussat aalajangersarneqassapput. Siunnersuut avatangiisinut akitsuutinut nutaajusinnaasunut tunngasuunngilaq. Avatangiisinut akitsuutit pillugit Inatsisartut inatsisissaannut nutaanut siunnersuutit Inatsisartuni suliarineqartassapput. Avatangiisinut akitsuutit nutaat immikkoortui uunga siunnersuummut: Avatangiisinut Aningaasaateqarfik pillugu Inatsisartut inatsisaat nr. xx. xxx 2018-imeersoq tunngasuunngillat.

Avatangiisinut Aningaasaateqarfik akuersissutigineqassaguni nukissiornermi tunisassiani avatangiisinut akitsuutinit pioreersunit isertitaqartarluni aallartissaaq. Taamatuttaaq Inatsisartut inatsisissaattut siunnersuutit akuerineqassappata, Avatangiisinut Aningaasaateqarfik saviminikunik eqqaanermut akitsuutip (UKA2018 imm. 197 aamma 198) atuutsinneqalernissaa pillugu siunnersuummit isertitaqartalissaaq.

Tassalu uunga siunnersuut: Avatangiisinut Aningaasaateqarfik pillugu Inatsisartut inatsisaat nr. xx. xxx 2018-imeersoq avatangiisinut akitsuutaasalertussanit isertitat Avatangiisinut Aningaasaateqarfimmut tutsinneqartalernissaannut, taamaalillutillu suliniutinut sulianullu avatangiisinut pitsanngorsaataasunut atorineqarsinnaalernissaannut tunngaviliissaaq.





**Ilusiliaq 1: Avatangiisinut Aningaasaateqarfiup pilersinneqarnissaanut siunnersuutip aamma avatangiisinut akitsuutit pillugit Inatsisartut inatsisissaattut siunnersuutissat imminnut ataqatigiissinneqarneri. Avatangiisinut Aningaasaateqarfik pillugu siunnersuut avatangiisinut akitsuutinut tunngasuunngilaq, avatangiisinut akitsuutit Inatsisartut inatsisaanni immikkoortuni akuersissutigineqartussaammata.**

Uunga siunnersuut: Avatangiisinut Aningaasaateqarfik pillugu Inatsisartut inatsisaat nr. xx. xxx 2018-imeersaq suliaasaqarfinnut, aningaasaateqarfiup aningaasaatai atorlugit tapersiiffigineqarsinnaasunut allattuiffimmik imaqaasaaq. Pingaartumik nunami imaanilu eqqagassalerinerup pitsaanerulernissaanut tunngassapput. Aamma sulianut, isumalluutininut eqqumaffiginninnerulluni pissusilersornissap siuarsarneqarnissaanik siunertaqarfiusunut tapersiisoqarsinnaasaaq.

Siunnersuutip pisortani aningaasaqarnermut allaffissornermullu kingunerisassai

Uunga siunnersuut: Avatangiisinut Aningaasaateqarfik pillugu Inatsisartut inatsisaat nr. xx. xxx 2018-imeersaq Avatangiisinut Aningaasaateqarfiup pilersinneqarnissaanut tunngasuvoq. Siunnersuut pisortani aningaasaqarnermut allaffissornermulluunniit kinguneqassanngilaq. Siunnersuut avatangiisinut akitsuutinik nutaanik atuutsitsilernissamut tunngaviliisuussanngilaq, aammalu Avatangiisinut Aningaasaateqarfiup aqunneqarnera tunngaviummik Pinnngortitamut, Avatangiisinut Ilisimatusarnermullu Naalackersuisoqarfimmu aningaasaqarnikkut sinaakkusiussanit pioreersunit matussuserneqartassaaq.

Ukiuni kingulliunerusuni Aningaasanut Inatsimmi kontomut pingaarnermut 77.05.08-imut aningaasaliissutit aqutugalugit kommunit avatangiisinut atortunik pilersitsinerannut tapiissutissanik aningaasaliisoqartarpoq. Aningaasaliissutini kommunit aamma Namminersorlutik Oqartussat ataatsimoorlutik avatangiisinut suliaasaqarfimmi aqqiissutissanik pitsaasunik ineriartortitsisinnaanissaannut aningaasaliisarnissaq siunertarinearpoq. 2018-imut aningaasaliissutaasut 14,3

mio. koruuniupput. Taakku Aningaasanut inatsimmi kontop pingaernerup 24.11.23-p ataani nukissiornermi tunisassianut avatangiisinut akitsuutinit pioreersunit isertitat amerlaqatigipjaarpat.

Taamaattumik uunga siunnersuut: Avatangiisinut Aningaasaateqarfik pillugu Inatsisartut inatsisaat nr. xx. xxx 2018-imeersoq imminermini missingersuutitigut sunnuteqassanngilaq, nukissiornermi tunisassianut avatangiisinut akitsuutinit isertitat siunissami Avatangiisinut Aningaasaateqarfimmut tutsinneqartarnissaat siunnersuutigineqarmat.

Siunnersuutip inuussutissarsiornermi aningaasaqarnermut allaffissornermullu kingunerisassai

Avatangiisinut Aningaasaateqarfimmik pilersitsinissamut siunnersuut manna inuussutissarsiornermi aningaasaqarnermut allaffissornermullu kinguneqassanngilaq.

Siunnersuutip innuttaasuni aningaasaqarnermut allaffissornermullu kingunerisassai

Avatangiisinut Aningaasaateqarfimmik pilersitsinissamut siunnersuut manna innuttaasuni aningaasaqarnermut allaffissornermullu kinguneqassanngilaq.

Avatangiisinut akitsuutit pillugit Inatsisartut inatsisissaannut nutaanut siunnersuutissat

Avatangiisinut akitsuutit pillugit Inatsisartut inatsisissaattut siunnersuutit Aningaasaqarnermut Naalakkersuisumiit Inatsisartunut saqqummiunneqassapput. Aningaasaqarnermut, allaffissornermut avatangiisinullu kingunerisassat siunnersuutini aalajangersimasuni allaaserineqassapput.

”Mingutsitsisup akiliisarnissaanik tunngaveqarnissaq Avatangiisinut Aningaasaateqarfik pillugu siunnersuummi tunngaviusutut eqqarsaatigineqarpoq. Taamaattumik tunngavissaq taanna avatangiisinut akitsuutit pillugit Inatsisartut inatsisissaattut siunnersuutissami tunngaviliisussaavoq. Tamatuma kingunerisaanik avatangiisinut akitsuutissat nioqqutissanut iliuitsinullu, avatangiisinut sunnuteqartunut atuutsinneqarnissaat siunnersuutigineqassaaq.

Avatangiisinut akitsuutit pillugit Inatsisartut inatsisaannit nutaanit isertitat siunissami Avatangiisinut Aningaasaateqarfimmut nuunneqarsinnaassapput, Inatsisartullu suliaasaqarfimmut inatsisissanik nutaanik aalajangersaassappata, suliniutinut avatangiisinut pitsannguutaasussanut atorneqarsinnaassallutik. Tamatuma peqatigisaanik kingulliullugu taaneqartumi avatangiisinut akitsuutinit isertitat avatangiisinut iluaqutaasussanngorlugit atorneqartarnissaat innuttaasunut suliffeqarfinnullu erseqqissarneqarsinnaassaaq.

Avatangiisinut akitsuutit Avatangiisinut Aningaasaateqarfimmut nuunneqartarnissaat pillugit Inatsisartut inatsisissaattut siunnersuut ukiumoortumik saviminikunut akitsuummik atuutsitsilerfiusussaq assersuutigineqarsinnaavoq. Saviminikunut akitsuut uunga siunnersuummut



ilaatinneqassaaq: Qamutininut motoorilinnut akitsuutit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2018-imeersoq (Qamutininut motoorilinnut, taamaallaat innaallagissamik brintimilluunniit ingerlatit atuisunut aamma biilinit hybridinut akitsuutinik atuutsitsilernissaq, kiisalu saviminikunut akitsuutinik atuutsitsilernissaq. Inatsisartut inatsisissaattut siunnersuut taanna UKA2018/197 & 198-ip ataani suliarineqassaaq.

Siunnersuut Inatsisartunit akuerineqassappat, saviminikunut akitsuutiniit isertitat biilinit piginnittunut, biilinit atorunnaakkanik kommunimut tunniussisunut igitsinermut pissarsiassatut akissarsissutigineqartalissapput. Tamatuma saniatigut akitsuutinit isertitat kommunip biilit avatangiisinut naleqquttumik suliarinerinut aningaasartuutaanut matussutigineqartassapput. Taamaalilluni biilinit atorunnaartunik inssiinnarnagit tunniussisarnissamut kajumissuseq annertunerulissaaq. Tamatumuunakkut avatangiisit pillugit suliaqarnermut ingerlaavartumik akiliisarnissaq, taamaalillunilu biilit ingerlasinnaajunnaartillugit akeqannigsumik kommunimut tunniunneqartarnissaat qulakkeerneqassaaq. Pisortani, inuussutissarsiordermi innuttaasunilu aningaasaqarnermut allaffissornermullu kingunerisassat siunnersuummi uani allaaserineqarput: Qamutininut motoorilinnut akitsuutit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2018-imeersoq.

Pinngortitamut, Avatangiisinut Ilisimatusarnermullu Naalakkersuisoqarfik aamma Aningaasaqarnermut Naalakkersuisoqarfik suliamik aallarniutaasumik aallartitsippat, tassanilu suliaasaqarfiit suut avatangiisinut akitsuusiiffigineqarsinnaanersut paasiniarneqarput. Misissueqqissaarnermi aningaasaqarnermut aqutsissutissat assigiinngitsut, mingutsitsisup akiliisarnissaa tunngavigalugu innuttaasut suiffeqarfiillu atueqqittarnermik, eqqortumik igitsisarnermik, killilimmik mingutsitsisarnermik il.il. annertunerusumik atuilersinneqarlutik pissusilersuutiminnik allannguinnissaannut kaammattuutaasinnaasut paasissutissiissutigineqarput. Misissueqqissaarnerup eqikkarneqarnera ataatsimiititaliamut paasissutissatut allakkamut matumunnga ilaliunneqarpoq.

Misissueqqissaarnerup aningaasaqarnermut aqutsissutit nutaajusinnaasut, soorlu avatangiisit pillugit suliaasaqarfinni toqqarneqartuni qulini avatangiisinut akitsuutit, saviminikunut aqqissuussinerit il.il. kingunerisassaannik misissuinermi sulianut aallarniutaasunut tunngasuvoq. Misissueqqissaarnerup avatangiisinut akitsuutit pillugit Inatsisartut inatsisissannut nutaanut siunnersuutaasinnaasunik ilusilersuinerit ingerlateqqinneqartarnerinut ilaatinneqartassaaq. Misissueqqissaarnermi inassuteqaatit qanoq annertutigisumik malinneqartassanersut Naalakkersuisunit isummerfigineqarsimangilaq, taakkuluunniit akornanni tulleriarisooqarsimanani.

Qanorluunniit pisoqaraluarpat avatangiisinut akitsuutit akileraartarnermik annertusititsisussaappat, taakkunannga isertitat Avatangiisinut Aningaasaateqarfimmut imaluunniit Nunap Karsianut suliaasaqarfiit akimorlugit

nalinginnaasumik tulleriiaarinermut atugassanngorlugit  
tutsinneqartaraluarpataluunniit.

Avatangiisinut suliaasaqarfik kivinneqassappat, naggataagut Inatsisartut  
ukiumoortumik aningaasanut inatsisit aqqutigalugit aalajangigaannik  
tulleriiaarisoqartussaavoq, kiisalu pisuni ataasiakkaani avatangiisinut akitsuutitut  
nutaanut siunnersuutaasartussat akuersissutigineqarnissaannut  
isummertoqartartussaalluni.

Avatangiisinut akitsuutit Avatangiisinut Aningaasaateqarfimmut  
immikkoortinneqarnissaat siunertaralugu iluanaarutit annertusisinnaanerisa  
saniatigut, avatangiisinut akitsuutit qaffaataat aamma akileraartarnerup  
akitsuusiisarnerullu allannngortinneqarnerinut atorineqarsinnaanissaat,  
taamaalillunilu assersuutigalugu sulinermit isertitanut akileraarutit  
annikillisinneqarsinnaanissaat, avatangiisinullu akitsuutit nutaat  
siunnerfeqarfiusut aqqutigalugit atuinermut inissinneqarsinnaanissaat  
eqqarsaatigineqarsinnaavoq. Taamatut tulleriiaarinissamut apequt aamma  
Avatangiisinut Aningaasaateqarfik pillugu inatsisissatut siunnersuutip maannatut  
iluseqarluni akuerineqarnerani suli Inatsisartunit susassaqarfineqartussaavoq.

## **Siullermeerinermit apequtitut saqqummiunneqartunut akissutit**

### **Siumut:**

Apeqqut: *”Akitsuusiiniaannarluni akitsuusiisoqannnginnissaa Siumumi  
ersarissumik kissaatigaarput. Taamaattumik aamma inuit sukcut  
toqqaannartumik eqqorneqarnissaasa paasinissaa soqutigisaraarput,  
neriuppugullu siunnersuut suliarineqarnermini Ataatsimiititaliami  
ingerlateqqinneqalerpat tamanna ersarissarneqarumaartoq.”*

Akissut: Siunnersuut manna Avatangiisinut Aningaasaateqarfimmik  
pilersitsinissamut tunngasuvoq, taannalu imminnermini avatangiisinut  
akitsuutinik nutaanik pilersitsiviussanngilaq. Avatangiisinut akitsuutit pillugit  
Inatsisartut inatsisissaannut siunnersuuteqartoqassappat, taakku pisuni  
ataasiakkaani Inatsisartunut saqqummiunneqartussaapput. Avatangiisinut  
akitsuutit nutaat aningaasaqarnermut, allaffissornermut avatangiisinullu  
kingunerisassaat siunnersuutinik aalajangersimasuni allaaserineqartassapput.

Akitsuusiiniaannarluni akitsuusiisoqassanngitsoq Naalakkarsuisut  
isumaqataapput. Nunatsinni innuttaasut inuunermanni pitsaasunik  
atugaqarnissaannik sapinngisatsinnik qulakkeerisarnissarput pingaarteqarpoq.  
Ilaqutariippasuit aningaasaqarnerminnik naammattusaarisarneq  
ajornakusoortittaraat Naalakkarsuisunit eqqumaffigineqarpoq. Taamaattumik  
ilaqutariit taakku allat mingutsitsinerannut akileeqaataasarnissaat  
pissusissamisunngilaq. Tassalu ilaatigut mingutsitsisup akiliisarnissaa,  
ilaatigullu avatangiisinut sunniutaanerluttartunik annikillisaanissamut  
kajumissarinissaq qulakkeerniarlugu avatangiisinut akitsuutit  
atuutsinneqalissapput.



Apeqqu: "Pisariaqanngitsumik annertuunik killiliiffiunngitsumik  
aningsaasaateqarfiup aningsaasaataanik atuisinnaanerup  
ajornannginnerulernissaanik sulissuteqaqqullugit Naalackersuisut  
kajumissaarniarpagut."

Akissut: Pisariaqanngitsumik killiliiffiunngitsumik aningsaasaateqarfiup  
aningsaasaataanik atuisinnaanerup ajornannginnerulernissaanik suliniuteqarnissap  
pingaaruteqarneranut Naalackersuisut isumaqataapput. Taamaattumik  
siunnersuummi § 2-mi suliassaqarfiit pitsannguiffiginarlugit  
aningsaasaateqarfiup aningsaasaataannik atuiffiusinnaasut arlallit pineqarput.

Apeqqu: "Kiisalu Kalaallit Nunaat issittumiimmat, nunat allat  
aningsaasaateqarfimmur qanoq iliorlutik tapersiisinnaanersut Naalackersuisunit  
misissorneqassasoq Naalackersuisunit kaammattuutiginiarparput."

Akissut: Tamanna Naalackersuisunit allanneqarpoq.

### **Inuit Ataqtigiiit aamma Suleqtigiiissitsisut**

Apeqqu: "Siunnerfigineqartut avatangiisinut akitsuutit  
missingersuusiorneqanngitsut Inuit Ataqtigiiinnit  
taperserneqanngisaannassapput."

Akissut: Uunga siunnersuut: Avatangiisinut Aningsaasaateqarfik pillugu  
Inatsisartut inatsisaat nr. xx, xxx 2018 Avatangiisinut Aningsaasaateqarfiup  
pilersinneqarnissaanut tunngasuvoq. Siunnersuummi aningaasat sumut  
atorneqarsinnaassanersut – kiisalu avatangiisinut akitsuutit avatangiisinilu  
pitsannguutissat akornanni ataqtigiiinnerup ersarissuunissaa pineqarpoq.

Avatangiisinut akitsuutit nutaajusinnaasut avatangiisinut akitsuutit pillugit  
Inatsisartut inatsisissaattut siunnersuutini immikkoortuni  
akuersissutigineqarsinnaassapput. Avatangiisinut akitsuutinik nutaanik  
atuutsitsisoqalissappat taakku aningsaasaqarnermut, allaffissornermut  
avatangiisinullu kingunerisassaat siunnersuutini aalajangersimasuni  
allaaserineqartassapput.

Apeqqu: "Neriuppugut aningaasat allaffissornerujussuarmut  
nungunneqaannaratik siunertamut atorneqartassasut."

Akissut: Avatangiisinut Aningsaasaateqarfimmur aningaasaliissutit  
allaffissornerup annertusineranut atorneqannginnissaannut Naalackersuisut  
isumaqataapput. Taamaattumik Avatangiisinut Aningsaasaateqarfik  
naatsorsuuserinermi teknikkinik atuiffiusumik aningsaasaateqarfittut  
pilersinneqassaaq. Tamatuma kingunerisaanik Avatangiisinut  
Aningsaasaateqarfik aningsaasaateqarfiussanngilaq nalinginnaasoq,  
namminerisaminik aqutsisulik, Naalackersuisunit attuumassuteqanngitsoq,  
kisiannili allaffissornermut pioreersumut ilaasussaassaaq.

## Demokraatit

Apeqqut: *"Avatangiisinut Aningaasaateqarfik pillugu siunnersuutip matuma kingunerisaanik akileraartarnikkut akitsuusiisarnikkullu suliassa qarfiit tamarmiusut qaffaaviussanngitsut uatsinnut pingaaruteqarpoq."*

Akissut: Ullumikkut eqqakkat qimaannakkat isumagineqarneri qulakkeerniarlugit akileraartartut akiliutaannik atuisoqartarpoq – mingutsitsisup akiliisarnissaanut taarsiullugu. Avatangiisinut akitsuutinik atuutsitsilernerminu inuiaqatigiit tamarmiusut akiliisinneqaratik mingutsitsisup akiliisarnissaa anguneqarsinnaanerulissaaq.

Erseqqissaatigineqassaaq, siunnersuut manna taamaallaat Avatangiisinut Aningaasaateqarfimmik pilersitsinissaq pineqarmat, taamaattumillu siunnersuut akileraartarnermut akitsuusiisarnermullu tamarmiusumut allannguiffiusussaangimmat. Siunissami avatangiisinut akitsuutit Avatangiisinut Aningaasaateqarfimmut tutsinneqartalernissaat pillugu Inatsisartut inatsisissaattut siunnersuutaasartussani nutaani, siunnersuutit akileraartarnermut akitsuusiisarnermullu tamarmiusumut sunniutissaat Inatsisartunit isummerfigineqartassapput. Avatangiisinut akitsuutinik nutaanik atuutsitsisoqalissappat, tamatumani mingutsitsisup akiliisarnissaata qulakkeerneqarnissaa siunertarineqarpoq.

Apeqqut: *"1. Siunnersuutip matuma kingunerisaanik akileraartarnerup akitsuusiisarnermullu tamarmiusup qaffannginnissaa Naalakkersuisut qanoq iliorlutik qulakkeerniarpaat?"*

Akissut: Siunnersuut manna Avatangiisinut Aningaasaateqarfiup pilersinneqarnissaanut tunngasuuvoq. Avatangiisinut akitsuutit pillugit Inatsisartut inatsisissaat Inatsisartunut saqqummiunneqartassapput. Aningaasaqarnermut, allaffissornermut avatangiisinullu kingunerisassat taakkunanani allaaserineqartassapput.

Apeqqut: *"2. Siunnersuummut nassuiaatini nukissiornermut akitsuutit tallimat, tunngaviusumik siunissami Avatangiisinut Aningaasaateqarfimmut tutsinneqartartussatut naatsorsuutigineqartut Naalakkersuisut oqaatigaat. Akitsuutit taakku ullumikkut aningaasanik qanoq amerlatigisunik pissarsiviusarpat, aammalu aningaasat qanoq amerlatigisut ullumikkut suliniutinut avatangiisinik pitsanngorsaaviusunut atorineqartarpat?"*

Akissut: Ukiuni kingullerni Aningaasanut inatsimmi konto pingaarneq 77.05.18 aqqutigalugu kommunit avatangiisinut atortunik pilersitsinerannut tapiissutitut aningaasaliisoqartarpoq. Aningaasaliisarnermi kommunit aamma Namminersorlutik Oqartussat ataatsimoorlutik avatangiisinut suliassa qarfimmi aaqqiissutissanik pitsaasunik ineriartortitsinissaannut aningaasanik immikkoortitsinissaq siunnerfigineqarpoq. 2018-imut aningaasaliissutit 14,3 mio. koruuniupput. Taakku Aningaasanut inatsimmi kontop pingaarnerup 24.11.23-p ataani nukissiornermi tunisassianut avatangiisinut akitsuutinit pioreersunit isertitat amerlaqatigipajaarpat. Taamaattumik uunga siunnersuut: Avatangiisinut Aningaasaateqarfik pillugu Inatsisartut inatsisaat nr. xx. xxx



2018-imeersoq imminermini missingersuutitigut sunniuteqassanngilaq, nukissiornermi tunisassianut avatangiisinut akitsuutinit isertitat siunissami Avatangiisinut Aningaasaateqarfimmut tutsinneqartarnissaat siunnersuutigineqarmat.

Apeqqu: "3. Nukissiornermut akitsuutinit aningaasat pissarsiarineqartartut ullumikkut suliniutinit avatangiisinut pitsanngorsaataasussanit allaanerusunut atorineqartarpata, akitsuutit Avatangiisinut Aningaasaateqarfimmut tutsinneqartalernerisa kingunerisaanik aningaasat Aningaasanut Inatsimmi amigaataalinnginnissaat anguniarlugu aningaasalersuisoqarnissaa eqqarsaatigineqarpa?"

Akissut: Matuma siuliani apeqqu 2-mut akissut innersuussutigineqarpoq.

Apeqqu: "4. Siunnersuutip atugarissaarnermik ajornerulersitsisussap kingunerisaanik Nunap Karsiata isertitassaatur amigaataalersussatur ilimagineqartut Naalakkersuisut aningaasalersorniarpaat? Tamanna pissappat suliassaarfut suut sipaarniarfiussanersut Naalakkersuisut tikkuusseqqullugit qinnuigineqarput."

Akissut: Avatangiisinut Aningaasaateqarfiup pilersinneqarnerata kingunerisaanik Nunap Karsia isertitassanik amigaateqalissanngilaq. Matuma siuliani apeqqu 2-mut akissut innersuussutigineqarpoq.

Avatangiisinut Aningaasaateqarfik atugarissaarnerup ajornerulerneranik kinguneqassanngilaq. Avatangiisinut Aningaasaateqarfiup pilersinneqarnerani atugarissaarnermik annertunerulersitsinissamik siunertarineqarpoq. Nunatsinni innuttaasut avatangiisini minguitsuni peqqinnartunilu angalasinnaassapput. Taamaattumik Aningaasaateqarfimmut aningaasaliissutit innuttaasut atugarissaarnerannut iluaqutaasumik avatangiisinik pitsanngorsaannissamut immikkoortinneqassapput.

Assersuutigalugu ullumikkut ikuallaaviit dioxin-imik, killissarititaasut EU-mit akuerisaasut sinnerujussuarlugit annertussusilimmik aniatitsipput. Dioxin naartuunut ajoqusiisarpoq kræfteqalersitsisarlungu. Tassalu innuttaasut atugarissaarnissaat, aammalu avatangiisinik mingutsitsineq, assersuutigalugu eqqagassalerineq naammaginangitsoq eqqarsaatigalugu, ullumikkut peqqissutsinut sunniuteqarnerluttartut, tamatumalu kingunerisaanik aningaasartuuteqarfiusartutut ilimagineqartoq annikillisinniarlugu avatangiisinik suliassaarfiup pisariaqartumik kivitsivigineqarnissaa pisariaqartinneqarpoq.

## **Partii Naleraq**

Apeqqu: "Aamma Partii Naleraq isumaqarpoq, gassinik assigiinngitsunik amaruutissanillu assigiinngitsunik piiaanermut akitsuusiinikkut isertitat aningaasaateqarfimmut iluaqutaasinnaasut."

Akissut: Aatsitassaarnermut suliassaarfiik siunnersuummut ilaatinneqanngilaq, tamanna Aatsitassalerinermit Inatsimmi immikkut maleruagassiuunneqarmat.

Aatsitassalerinermut inatsimmi aatsitassarsiorfiit salinissamut aningaasanik qularnaveequsiinissaat il.il. piumasarineqareerpoq.

Apeqqut: ”Akitsuutinut akit inatsisissatut siunnersuummi aalajangersarneqarsimannginnerat eqqarsarnartoqartitatta ilagaat.”

Akissut: Siunnersuut manna Avatangiisinut Aningaasaateqarfiup pilersinneqarnissaanut tunngasuuvoq. Avatangiisinut akitsuutit pillugit Inatsisartut inatsisissaat Inatsisartunut saqqummiunneqartartussaapput. Avatangiisinut akitsuutinik nutaanik atuutsitsisoqalissappat, akitsuutinut akit aamma aningaasaqarnermut, allaffissornermut avatangiisinullu kingunerisassat siunnersuutini ataasiakkaani allaaserineqartassapput.





# BILAG 2

Uunga: Eqqissimatitsinermut Avatangiisinullu Ataatsimiititaliap

## Imm. 186-mut Isumaliutissiisummik suliaqarnermut atatillugu Eqqissimatitsinermut Avatangiisinullu ataatsimiititaliap apeqquaqqaataanut akissut

Brevdato: 19-10-2018  
Sagsnr.: 2018 - 20794  
Akt-id: 9016718

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: pan@nanoq.gl  
www.naalakkersuisut.gl

Ataatsimiititaliap uunga siunnersuut: Avatangiisinut Aningaasaateqarfik pillugu Inatsisartut inatsisaat nr. xx, xx. xxx 2018-imeersoq pillugu suliaqarnerminut atatillugu apeqquaqqaataanut qujavunga. Apeqqutinut akissutikka matuma kinguliani takuneqarsinnaapput:

1) *Matumuuna aningaasanut inatsimmi konto pingaarneq 77.05.08-mi kommuninut tapiissutit ukiuni kingullerni tallimani qanoq isikkoqarsimanerisa paasissutissiisutigineqarnissaat ataatsimiititaliamit qinnutigineqassapput?*

### Akissut:

Matuma kinguliani skemami kontomi pingaarnermi 77.05.08-mi ukiuni kingullerni tallimani aningaasaliissutaasimasut takuneqarsinnaapput.

Ukioq	Aningaasaliissutit kr.
2014*	2.043.000
2015	14.416.000
2016	14.338.000
2017	14.308.000
2018	14.219.000

\*2014-imi aningaasat 77.05.04 "Kommunini eqqagassalerinermi misiligutitut sulianut tapiissutit" aamma 77.05.05 "Eqqakkanik tigooraavinnut immikkoortiterivinnullu tapiissutit" aqqutigalugit tunniunneqarput. 2015-imi kontot pingaarnerit marluk taakku kontomit pingaarnermit 77.05.08-mit taarserneqarput.

2) *Tassunga ilutigitillugu Ataatsimiititaliap paaserusuppaa kommuniniit Namminersorlutik Oqartussanut aningaasanut tapiissutigineqarsinnaasunut qinnuteqartoqartarsimangippat suna tamatumunnga patsisaanersoq Naalakkersuisut ilisimasaqarfigineraat?*

### Akissut:

Kommunit ukiut tamaasa avatangiisinut atortunik pitsanngorsaaniissamut tapiissutinik, Aningaasanut Inatsimmi aningaasaliissutaasunit amerlanerusunik Pinngortitamut, Avatangiisinut Iisimatusarnermullu Naalakkersuisoqarfimmuut qinnuteqartarput..

3) *Taamatuttaa*q Ataatsimiititaliap paaserusuppaa matumani siunnersuummut tassa Avatangiisinut Aningaasaateqarfissamut kikkunnik qinnuteqarfigineqarsinnaaneranik Naalakkersuisut takorluugaqarnersut?

Akissut:

Pingaartumik kommunit Avatangiisinut Aningaasaateqarfimmut qinnuteqarsinnaassasut Naalakkersuisut naatsorsuutigaa. Avatangiisinut akitsuutit pillugit Inatsiartut inatsisissaattut siunnersuutit suliarineqarnerinut atatillugu isertitat sumut atorneqartassanersut, tassungalu ilanngullugu kikkut tapiiffigineqarnissamik il.il. qinnuteqarsinnaassanersut siunnersuutini ataasiakkaani allassimasassaaq.

Ukiumoortumik saviminikunut akitsuusiisarnermik atuutsitsilernissaaq pillugu siunnersuut tamatumunnga assersuutigineqarsinnaavoq. Saviminikunut akitsuut uunga siunnersuummut ilaavoq: Qamutinut assakaasulinnut motoorilinnut akitsuusiisarneq pillugu Inatsiartut inatsisaata allangortinneqarnera pillugu Inatsiartut inatsisaat nr. xx, xx. xxx 2018-imeersoq. Inatsiartut inatsisissaattut siunnersuut taanna imm. UKA2018/197 & 198-imi suliarineqarpoq. Siunnersuut Inatsiartunit akuerineqassappat, saviminikunut akitsuummit isertitat Avatangiisinut Aningaasaateqarfimmut nuunneqartalissapput. Tamatuma kingorna Avatangiisinut Aningaasaateqarfiup isertitat biiliniq piginnittunut, biiliniq atorunnaakkaminik kommunimut tunniussisunut akiliutitut atortalissavaat. Tamatuma saniatigut akitsuutinit isertitat kommunip biiliniq avatangiisinut ajoqutaasinnaajunnaarlugit suliaqarneranut aningaasartuutinit matussutigineqartassapput.

4) *Missingersuutitigut sunniuteqassanngilaq-mik oqariartuuteqarnerup itisilerneqarnissaa* ataatsimiititaliamit Naalakkersuisumut qinnutigineqarpoq.

Akissut:

Matuma kinguliani skemami takuneqarsinnaasutut, Aningaasanut Inatsimmi kontomi pingaarnermi 24.11.23-mi nukissiornermi tunisassianut avatangiisinut akitsuutinit pioreersunit isertitassatut naatsorsuutigineqartut, kontomi pingaarnermi 77.05.08-mi aningaasat immikkoortinneqartut amerlaqatigipajaarpat.



Taamaattumik uunga siunnersuut: Avatangiisinut Aningaasaateqarfik pillugu Inatsisartut inatsisaat nr. xx. xxx 2018 imminermini missingersuutitut sunniuteqassanngilaq, nukissiornermi tunisassianut avatangiisinut akitsuutinit isertitat Avatangiisinut Aningaasaateqarfimmut tuttarnissaat siunnersuutigineqarmat.

<b>Konto pingaarneq</b>	<b>AI 2018</b>	<b>AIS 2019</b>	<b>M2020</b>	<b>M2021</b>	<b>M22</b>
<b>77.05.08</b>	14.219	14.066	14.000	14.000	14.000
<b>24.11.23</b>	-15.000	-15.000	-15.000	-15.000	-15.000

Inussiarnersumik inuulluaqqusillunga



Siverth K. Heilmann

Pinngortitamut, Avatangiisinut Ilisimatusarnermullu Naalakkersuisoq